

Broj: 101-9934/22 DžS
Zenica, 12.07.2022. godine

Na osnovu člana 69., stav 2., tačka (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-9932-1/22 DžS od 12.07.2022. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o poništenju postupka za nabavku

I

Poništava se postupak javne nabavke za nabavku pocinčanih fittinga i kuglastih ventila iz razloga što nijedna dostavljena ponuda nije prihvatljiva za ugovorni organ - član 69., stav 2., tačka (d) Zakona o javnim nabavkama.

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-8114/22 BS od 07.06.2022. godine, te Odlukom o izmjeni Odluke o pokretanju postupka javne nabavke broj: 105-8636/22 BS od 15.06.2022. godine. Javna nabavka je provedena putem otvorenog postupka sa zaključivanjem okvirnog sporazuma na period od 12 mjeseci. Procijenjena vrijednost javne nabavke bez uračunatog PDV-a je 252.000,00 KM.

Dana 08.06.2022. godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-254-3-46/22 objavljena je i tenderska dokumentacija, a dana 16.06.2022. godine objavljena je ispravka za obavještenje o nabavci sa izmijenjenom tenderskom dokumentacijom.

Poziv za preuzimanje tenderske dokumentacije broj: 406-2507-2/22 BS od 18.02.2022. godine upućen je sljedećim ponuđačima:

INTER – COM d.o.o. Zenica

VODOSKOK d.o.o. Tomislavgrad

PERO d.o.o. Zenica

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 11.07.2022. godine u 11:05 sati.

Rok za dostavljanje ponuda je bio 06.07.2022. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. TOPLOTA d.o.o. Zenica

2. VODOSKOK d.o.o. Tomislavgrad

3. ALMY d.o.o. Zenica

Komisija za nabavku imenovana je Odlukom broj: 101- 4913/22 BS od 30.03.2022.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,

- ukupno 7 (sedam) ponuđača su preuzeli Tendersku dokumentaciju i Ispravku tenderske dokumentacije sa Portala javnih nabavki.

Komisija za nabavku je dana 12.07.2022. godine direktoru preduzeća dostavila Zapisnik o ocjeni ponuda broj: 501-9932/22 DŽS od 12.07.2022. godine sa preporukom o poništenju postupka.

Ponuđač TOPLOTA d.o.o. Zenica je za stavku 1.7 ponudio ventil PN 16 a traženo je min PN 25. Za stavke 1.7, 2.1, 2.2, 2.3, 2.4 i 2.5 ponuđač nije dostavio važeći certifikat za kuglaste ventile kojim se potvrđuje da proizvod zadovoljava traženi standard EN 1074. za stavku 19 ponuđač je ponudio proizvod samx pritiskom PN 10 a traženo je min PN 10. Iz gore navedenih razloga ponuda ponuđača TOPLOTA d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač VODOSKOK d.o.o. Tomislavgrad je za stavku 1.7 ponudio ventil PN 16 a traženo je min PN 25. Za stavku 1.7 ponuđač nije dostavio važeći certifikat za kuglaste ventile kojim se potvrđuje da proizvod zadovoljava traženi standard EN 1074. Za stavku 19 ponuđač je ponudio ventil koji se ugrađuje u sisteme za grijanje i klimatizaciju koji omogućavaju optimizaciju snage grijanja i hlađenja sistema. Traženi su ventili koji se ugrađuju u vodovoni sistem za pitku vodu. Iz gore navedenih razloga ponuda ponuđača VODOSKOK d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač ALMY d.o.o. Zenica je dostavio kataloški list iz kojeg se ne vide tražene dužine za stavke 1, 2 i 3. za stavku 1.7 ponuđač je ponudio ventil sa PN 18, a traženo je min PN 25. za stavke 2.4 i 2.5 ponuđač je ponudio ventile sa PN 20, a traženo je min PN 25. Za stavke 3.1 i 3.2 ponudio je slavinu sa PN 15, a traženo je min PN 16. Za stavku 19 ponuđač je ponudio ventil koji se ugrađuje u sistem grijanja i hlađenja a traženi su ventili za vodovodni sistem i pitku vodu. Iz priloženog kataloškog lista ne vide se tražene dimenzije za stavku 17. Za pocinčane fittinge ponuđač nije dostavio traženi certifikat. Iz gore navedenih razloga ponuda ponuđača ALMY d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Uvidom u priloženu dokumentaciju otvorenog postupka broj: 406-8636-3/22 BS od 15.06.2022. godine – Nabavka pocinčanih fittinga i kuglastih ventila, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena dostavljenih ponuda neprimjereno niska.

Polazeći od navedenih konstatacija, a uzimajući u obzir da nijedna zaprimljena ponuda nije prihvatljiva za ugovorni organ (član 68., stav (4), tačka (i) ZJN), Komisija za nabavku je dala preporuku da se predmetni postupak poništi u skladu sa članom 69., stav (2), tačka (d) Zakona o javnim nabavkama.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.



Direktor:

Emir Pašalić
Pašalić Emir, dipl.ing.građ.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a